

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINSKI SUD U SANSKOM MOSTU**

Broj.022-0-SU-22-000 172

Dana:27.04.2022.godine

Na osnovu člana 64.stav 1. Tačka b), člana 70 i člana 89. Zakona o javnim nabavkama („Službeni glasnik BiH“, broj 39/14), na preporuku Komisije za javne nabavke Općinskog suda u Sanskom Mostu broj:022-0-SU-22-000 172 od 27.04.2022.godine, predsjednik suda donosi

ODLUKU

o izboru najpovoljnijeg ponuđača

Član 1.

Prihvata se preporuka Komisije za javnu nabavku i Ugovor o javnoj nabavci radova „Fasaderskih - utopljavanje zgrade suda u Sanskom Mostu“, dodjeljuje se ponuđaču „Company NH Avdić“ DOO Sanski Most, ponuda broj:31-04/2002 od 04.04.2022.godine, za ponuđenu cijenu, nakon održane e-aukcije, od 42.500,00 KM bez PDV-a (ukupna cijena sa PDV-om iznosi 49.725,00 KM).

Član 2.

Po pravosnažnosti ove odluke, Ugovorni organ će pozvati izabranog ponuđača radi zaključenja predmetnog ugovora kojim će regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova odluka objavit će se na web stranici ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6.Zakona o javnim nabavkama.

Član 4.

Ova odluka stupa na snagu danom donošenja, i dostavlja se svim ponuđačima koji su sudjelovali u postupku javne nabavke u skladu sa članom 71.stav 2. Zakona o javnim nabavkama.

Član 5.

Ponuđač iz člana 1.ove Odluke obavezuje se da u roku od 5 dana od dana prijema iste ugovornom organu dostavi dokaz o ispunjenosti uslova iz tačke 3.1. Konkurentskog zahtjeva (original ili ovjerena kopija).

Obrazloženje

Postupak javne nabavke pokrenut je odlukom o pokretanju postupka javne nabavke broj:022-0-SU-22-000 172 od 30.03.2022.godine.

Javna nabavka je sprovedena putem konkurentskog zahtjeva.

Procijenjena vrijednost javne nabavke bez PDV-a iznosi 51.282,00 KM.

Obavještenje o nabavci je objavljeno na Portalu javnih nabavki pod broje:4359-7-3-1-3-1/22 dana 31.03.2022.godine.

Komisija za javnu nabavku imenovana odlukom predsjednika suda broj:022-0-SU-22-000 172 od 04.04.2022.godine je dostavila: Zapisnik o otvaranju ponuda, Zapisnik o ocjeni ponuda, Izvještaj o provedenoj e-aukciji i Preporuku o izboru najpovoljnijeg ponuđača.

U postupku po izvještaju o radu utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda o čemu je sačinila odgovarajuće zapisnike u kojima je utvrđeno sljedeće:

- Da je ukupan broj prispjelih ponuda: 7 (sedam) ponuda,
- Da je broj blagovremeno zaprimljeni: 7 (sedam) ponuda,
- Da nema neblagovremeno zaprimljenih ponuda,
- Da je ukupan broj prihvatljivih ponuda: 6 (šest) ponuda.

Naziv / ime ponuđača		Cijena (KM) bez PDV-a	Ponuđeni popust
1.	Divel DOO Sanski Most	47.400,00	-
2.	Kristal DOO Živinice	50.240,00	-
3.	Company NH Avdić d.o.o. Sanski	51.200,00	-
4.	Braća Karić doo Zenica	51.276,00	-
5.	Kula mont DOO Zenica	51.282,00	-
6.	DOO Emir comerc Kurbegović Sanski Most	55.080,00	2.080,00

- Jedna ponuda nije prihvatljiva i to:

Ponuda ponuđača DOO Vrbanja Sanski Most nije prihvatljiva iz razloga što nije sačinjena u skladu sa tačkom 4. podtačka 4.2. Tenderske dokumentacije (nije izrađena da čini cjelinu-nije čvrsto uvezana) i ne sadrži sve dokaze o ispunjenosti uslova koji su traženi tenderskom dokumentacijom tačka 4.podtačka 4.1.(nedostaje Izjava o ispunjenosti uslova iz člana 45. Zakona o javnim nabavkama (prilog 3 tenderske dokumentacije), Izjava po članu 52. Zakona o javnim nabavkama (prilog 4 tenderske dokumentacije i nije dostavljen popunjen i potpisan prijedlog ugovora (prilog 5 TD).

U skladu sa tačkom 4. podtačka 4.4. tenderske dokumentacije zakazana je i provedena e-aukcija u sistemu E-nabavke u skladu sa Pravilnikom o uslovima i načinu korištenja e-aukcije. E-aukcija je zakazana dana 22.04.2022.godine u 11:17:31 sati, sa terminom održavanja 26.04.2022.godine, vremenom početka 12:00:00 sati i predviđenim trajanje e-aukcije od 15 minuta.

Nakon okončane e-aukcije koja je trajala u vremenskom periodu od 26.04.2022.godine, od 12:00:00 sati do 26.04.2022.godine u 13:09:00 sati, a u skladu sa Izvještajem o toku i završetku E-aukcije, Komisija je konstatovala da je došlo do promjene cijene u odnosu na početne, te je utvrdila konačnu rang listu ponuđača koji su učestvovali u e-aukciji, kako slijedi:

R.br.	PONUĐAČ	CIJENA(KM) bez PDV-a
1.	Company NH Avdić d.o.o. Sanski Most	42.500,00
2.	DOO Emir comerc Kurbegović Sanski Most	42.550,00
3.	Divel DOO Sanski Most	44.752,60
4.	Braća Karić doo Zenica	45.852,00
5.	Kristal DOO Živinice	50.240,00
6.	Kula mont DOO Zenica	51.282,00

U postupku donošenja ove Odluke, posebno su cijanjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispljelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila, te da je preporuka za izbor najpovoljnijeg ponuđača data u skladu s Zakonom o javnim nabavkama BiH, podzakonskim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog „najniže cijene“ nakon održane e-aukcije, kako slijedi u konačnoj rang listi ponuđača koji su učestvovali u e-aukciji


Izabrani ponuđač Company NH Avdić DOO Sanski Most, je izabran primjenjujući kriterij najniže cijene, koja nakon održane e-aukcije, iznosi 42.500,00 KM bez PDV-a (ukupna cijena sa PDV-om iznosi 49.725,00 KM):

Iz navedenih razloga, primjenom člana 64.stav 1.tačka b) Zakona o javnim nabavkama odlučeno je kao u članu 1.ove odluke.

POUKA O PRAVNOM LIJEKU:

Protiv ove odluke dopuštena je žalba u pisanoj formi, koja se podnosi Ugovornom organu u roku od 5 (pet) dana od dana prijema Odluke, a sve u skladu sa članom 99. i 101.tačka 5.)Zakona o Javnim nabavkama.

**Predsjednik suda
Selman Enes**



Dostavljeno:

- Company NH Avdić d.o.o.Sanski Most
- Kula mont DOO Zenica
- Kristal DOO Živinice
- Braća Karić d.o.o.Zenica
- DOO Vrbanja Sanski Most
- Divel doo Sanski Most
- DOO Emir comerc Kurbegović Sanski Most
- Komisija
- U spis